

Hiis festucam carpinus non cum modestate.
Quare? nam desipimus trabis gravitate¹.

Efficit corruptio gravansque natura
Carnis atque trabea bases ruitura,
280 Quod simultas, odium, falsitas est cura;
Dolus et ypocrisis animas lesura,
Multiplex calamitas instat corrosura²
Tabescentes animos; tabent³ carnis iura.
In conspectu domini sordet creatura;
285 Elementa discrepant, chaos quadratura
Virtutis essentiam pravat lege dura,
Sanguis tangit sanguinem. Christe Iesu! cura,

Nos perplexos viciis culpis enodare,
Ventos, mare concitum velis tranquillare,
290 Navem quoque fluctibus pressam respirare
Iubeas et venie portus nos meare.
Surge! Petrus mergitur⁴, salva nos: perimus⁵;
Inpera! iam premimur et in preceps imus.
Recole, funiculus tuus quod nos simus.
295 Laicorum pedibus sterni nos sentimus,
Relevamen gratie tue iam sitimus!
Rete Petri scinditur⁶: sumus fex et fimus.

Querelarum fuerat terminator datus,
Hic ad dei placitum placens est sublatus
300 Langravus Duringie. Christe! miseratus
Profanorum deprime fastus et conatus
Friderici subrue, frange potentatus,
Fletibus ecclesie sis propiciatus!

Et, ne Petrus fluctuet, scopulos planare
305 Velis et navicule fluctus mitigare,
Tartarum, Stopharium⁷ simul morti dare
Et ab hiis ecclesiam pressam liberare.
Ut incepta placide possit consummare
Pastor Innocentius, Christe! tu dignare,
310 Et scissuras recium queat instaurare⁸,
Hunc cum grege credito pius confortare!

1) Vgl. Luc. 6, 42: 'eciam festucam de oculo tuo, ipse in oculo tuo trabem non videns' etc. 2) 'corosura' Hs. 3) 'thabent' Hs.
4) Vgl. Math. 14, 29—31. 5) Vgl. Math. 8, 25 f. 6) Vgl. Luc. 5, 6. 7) 's. Fridericum' als Erklärung über 'stopharium' Hs. 8) V. 310 ist wohl vor 309 zu stellen.